

Bosna i Hercegovina
Federacija Bosne i Hercegovine
Kanton _____
Općina _____

NACRT

ODLUKA

**O USPOSTAVI REGISTRA BUDŽETSKIH
KORISNIKA**

April 2011. godine

Na osnovu Člana 27. i 28. Zakona o budžetima u Federaciji Bosne i Hercegovine («Službene novine Federacije BiH» broj 49/06, 9/09, 35/09, 12/10, 40/10 i 46/10) i Člana 2. Zakona o trezoru u Federaciji Bosne i Hercegovine («Službene novine Federacije BiH» broj 19/03 i 79/07), Statuta Općine (_____), Općinsko vijeće na ____ sjednici održanoj _____ donijelo je

ODLUKU

O USPOSTAVI REGISTRA BUDŽETSKIH KORISNIKA OPĆINE

Član 1.

Ovom Odlukom utvrđuje se način uspostave Registra budžetskih korisnika, kriterij za definiranje budžetskih korisnika, način upisa u Registar budžetskih korisnika, način brisanja iz Registra budžetskih korisnika, obavezni elementi registra, obaveze i odgovornosti za vođenje Registra budžetskih korisnika.

Član 2.

Registar budžetskih korisnika uspostavlja se u Općinskoj službi za finansije i trezor, koja je obavezna da isti sačini, vodi i ažurira. Općinska služba za finansije i trezor odgovorna je za uspostavu registra kao i ispravnost, ažurnost i tačnost svih podataka unesenih u registar.

Član 3.

Osnovni kriterij za definisanje budžetskih korisnika je Odluka o organizaciji općinskih organa. Svaki organ općine definisan odlukom je budžetski korisnik.

Član 4.

Općinski organi koji eventualno nisu obuhvaćeni Odlukom o organizaciji općinskih organa ne mogu se definisati kao budžetski korisnici dok ne budu sastavnim dijelom iste.

Član 5.

Budžetski korisnici pojmovno mogu biti Općinsko vijeće, Općinski načelnik-jedinstveni organ uprave, općinske službe, javne ustanove, agencije, zavodi, direkcije, odsjeci, odjeljenja itd.

Član 6.

Budžetski korisnici su organi čijim sredstvima raspolaže rukovoditelj organa.

Član 7.

Budžetski korisnici ne mogu biti pojmovno udruženja, nevladine neprofitne organizacije, političke partije i stranke.

Član 8.

Općinska služba za finansije i trezor vrši upis u Registar budžetskih korisnika sve organe općine iz Odluke o organizaciji po automatizmu, dok kandidate za budžetskog korisnika koji nisu obuhvaćeni Odlukom ne upisuje dok ne postanu sastavnim dijelom Odluke o organizaciji.

Član 9.

Registar budžetskih korisnika sadrži sljedeće osnovne elemente:

1. Redni broj budžetskog korisnika
2. Organizacioni kod ili šifru budžetskog/proračunskog korisnika
3. Naziv budžetskog korisnika
4. Sjedište budžetskog korisnika
5. Funkcionalne kodove (šifre funkcija koje obavlja)
6. Fondovske kodove (šifru vlastitih sredstava)
7. Organizacioni kod podorganizacionih jedinica ukoliko ih ima
8. Funkciju, odnosno poziciju lica koje raspolaže finansijskim sredstvima budžetskog korisnika
9. Ime i prezime lica koja izvršavaju funkciju koja raspolaže sredstvima budžetskog korisnika
10. Datum ažuriranja podataka

Član 10.

Brisanje iz Registra, upis novih budžetskih korisnika, kao i sve druge promjene vrše se na osnovu donesenih odluka nadležnih općinskih tijela.

Član 11.

Rok za uspostavu Registra budžetskih korisnika je 60 dana od dana stupanja na snagu ove Odluke.

Član 12.

U periodu od 60 dana neophodno je riješiti sve eventualne nejasnoće oko definisanja budžetskih korisnika.

Član 13.

Općinski načelnik je dužan informisati Općinsko vijeće o svim relevantnim činjenicama koje su u vezi sa uspostavom Registra budžetskih/proračunskih korisnika.

Član 14.

Po uspostavi registra budžetskih korisnika Općinski načelnik je obavezan redovno izvještavati Općinsko vijeće o svim upisanim i brisanim budžetskim korisnicima .

**PREDSJEDAVAJUĆI
OPĆINSKOG VIJEĆA**